


ATHLETIC. Alavesen aurka aurrerapauso handia eman arren, Europako txartela lortzeko Liga amaiera arte asko «borrokatu» beharko dutela dio Heynckesek. Helburua lortzeko, azken jardunaldietako jokoa hobetu behar du talde zuri-gorriak.

«Jokoa hobetu behar dugu»

Talde zuri-gorriak Europarako txartela oraindik ez duela erabat ziurtaturik uste du Jupp Heynckesek



ALFREDO ALDAI / EFE

Athleticeko entrenatzaile Jupp Heynckes, atzo Lezaman egindako entrenamenduaren osteko prentsa agerraldian.

ESANAK

JUPP HEYNCKES

(Athleticeko entrenatzailea)

«Las Palmasi eta Alavesi irabazi arren, ez dugu geure jokorik onena egin. Hobetu egin behar dugu»

«Defentsan hutsak egin ditugu. Gehienak banakako hutsak izan dira, kontzentrazio ezak eragindakoak»

«Guerrero gogoa eta freskotasuna ekarriko ditu Liga amaieran. Taldean oso gutxi dituzte bere dohainak»

tsako lana egiten», gaineratu zuen zuri-gorrien teknikariak.

Javi Gonzalez eta Guerreroren ekarpenak

Joko maila ahalik eta azkarren berreskuratu beharko dute jokalariei zuri-gorriek. Izan ere, Ligako talderik indartsuenetakoa izango dute aurrez aurre igandean San Mamesen: Celta. Victor Fernandez taldea denboraldi ona egiten ari da. 6.ena da sailkapenean, zuri-gorriekin berdinduta —48 puntu dituzte—. Beraz, Alavesen aurka bezala, hiru puntuak baino gehiago izango dute jokoa bi taldek. «Celtak Ligako futbolik onena egin du azken denboraldiotan. Maila handiko jokalariek ditu, eta edozein unetan hautsi dezakete norgehiagoka», azaldu zuen Heynckesek.

Galiziarrei eta Liga amaitu bitartean izango dituzten partidei aurre egiteko garrantzitsua izango da Javi Gonzalez eta Guerreroren ekarpena. «Freskotasuna eta gogoa ekarriko dizkio Guerrero taldeari. Dohain aldetik taldean daukagun onenetakoa da», nabarmendu zuen Heynckesek.

Haritz Gallastegi | BILBO

Liga amaitzeko zortzi jardunaldien faltan Europarako txartela lortzeko tarte nabarmena lortu du Athleticek. Aldea garrantzitsua izan arren, azken jardunaldira arte borrokan jarraitu beharko dute zuri-gorriek. «Asko berba egin da, baina oraindik ez daukagu Europa ziurtatuta. Oraindik 24 puntu daude jokoan, eta Liga amaitu arte lehiatu beharko gara», adierazi zuen Heynckesek.

Futbolean azken emaitza da garrantzitsua, eta are gehiago Ligako azken txanpan. Arlo horretan, denetarik izan du Athleticek azken partidetan. Hala ere, emaitza onak ziurtatzeko jokoan gora egitea ezinbestekoa dela iritzi dio alemaniarak. «Las Palmasi eta Alavesi irabazi arren, ez dugu

geure jokorik onena egin. Hobetu egin behar dugu. Kokapena, baloiaren erabilera, erritmoa... lantzen ari gara».

Hobetu beharreko gauzen artean defentsako lana dago. Erasoan maila ona eman du orain arte Athleticek, baina atzealdean huts handiak egin dituzte. Jasotako gol asko kontzentrazio ezagatik izan dira. «Taldea guztiek egiten dituzte hutsak. Geure kasuan banakako hutsak izan dira. Sarri askotan kontzentrazio ezak eragindako hutsak izan dira. Valladoliden eta Espanyolen aurka azken minutuetan jasotako goleak asko haserretu ninduten», esan zuen Heynckesek, «dena dela, ez dugu ahaztu behar talde erasokorra dugula. Asko arriskatu dugu. Gainera, aurrean jokatzen duten zenbait jokalariek aurrean hasi dira defen-

ESTRATEGIA GOLAK

Jokalariei «talentuak» du errua

Athletic Ligako talderik onena da estrategia jokaldietan. Heynckesek sarritan landu du denboraldia hasi denetik arlo hau, baina falta zein korerretan sartutako gol kopuruaren errua jaurtitzaileek duten «berezko» gaitasunean dagoela uste du. «Taldek zenbait jokalarik dituzten ezaugarriak aintzat hartuta, ziur nengoen errentagarritasuna aterako geniola estrategia lanari. Asko landu dugu arlo hau. Baina sekretua Yes-tek, Tikok, eta Guerrerok duten berezko dohaina da. Faltak jaurtitzen ezin da ikasi, nahiz eta hobetu daitekeen», esan zuen Heynckesek.

Arlo horretan beste guztien gainera norbait nabarmendu bada, hori Tiko da. Gol bi sartu ditu, eta makina bat asistentzia ere eman du. Tikoren gaitasuna zalantzan jarri barik, estrategia beharrean jokalariei hobeak ezagutu dituela aipatu zuen teknikariak. «Lothar Matheus bikaina zen. 100 korerretik 99 alditan berak nahi zuen lekura bidaltzen zuten baloia. Gainera, urtero 6 edo 7 gol sartzen zituen falta jaurtiketetan», azaldu zuen Heynckesek. Era berean, Tikok badaukala zer hobetarik gogoratu zuen, «taldek jokoa landu behar du batez ere».